

Еуразиялық экономикалық комиссиясы алқасының 2013 жылғы 2 желтоқсандағы № 283-шешіміне өзгерістер енгізу туралы

Еуразиялық экономикалық комиссия Алқасының 2024 жылғы 10 қаңтардағы № 1 шешімі

Еуразиялық экономикалық комиссия туралы ереженің 7 және 44-тармақтарына сәйкес (2014 жылғы 29 мамырдағы Еуразиялық экономикалық одақ туралы шартқа № 1 -қосымша) Еуразиялық экономикалық комиссиясы алқасы **шешті**:

1. 2013 жылғы 2 желтоқсандағы Еуразиялық экономикалық комиссиясы алқасының № 283 "Еуразиялық экономикалық одақтың кедендік шекарасында бақылаушы органдардың өзара іс-қимылы жөніндегі Консультативтік комитет құру, кедендік реттеу жөніндегі Консультативтік комитет туралы ережеге өзгеріс енгізу және Кеден одағы комиссиясының кейбір шешімдерінің күші жойылды деп тану туралы" шешіміне мынадай өзгерістер енгізілсін:

а) 3 – 5-тармақтардың күші жойылды деп танылсын;

б) көрсетілген шешіммен бекітілген Еуразиялық экономикалық одақтың кедендік шекарасындағы бақылаушы органдардың өзара іс-қимылы жөніндегі консультативтік комитеті туралы Ереженің 2-тармағы мынадай редакцияда жазылсын:

"2. Комитеттің құрамына осы органдардың немесе олардың құрылымдық бөлімшелерінің басшылары мен басшыларының орынбасарлары деңгейінде әрбір бақылаушы органнан 2 өкіл (бұдан әрі – Комитет мүшелері) кіреді.

Комитеттің құрамын қалыптастыру үшін Комиссия алқасы мүше мемлекеттерден Комитет мүшелерінің кандидатуралары бойынша ұсыныстар сұратады.

Мүше мемлекеттердің ұсыныстары бойынша Комитет құрамына бизнес-қоғамдастықтың (мүше мемлекеттен 2 өкілден артық емес), ғылыми және қоғамдық ұйымдардың өкілдері, өзге де тәуелсіз сарапшылар енгізілуі мүмкін.

Мүше мемлекеттер Комиссия алқасын Комитет мүшелерін ауыстыру қажеттігі туралы уақтылы хабардар етеді, сондай-ақ оның құрамына өзгерістер енгізу жөнінде ұсыныстар береді.

Комитеттің құрамы Комиссия алқасының өкімімен бекітіледі";

в) уәкілетті өкілдері көрсетілген шешіммен бекітілген Еуразиялық экономикалық одақтың кедендік шекарасындағы бақылаушы органдардың өзара іс-қимылы жөніндегі Консультативтік комитеттің құрамына енгізілетін Еуразиялық экономикалық одаққа мүше мемлекеттердің атқарушы билік органдарының тізбесінде:

III-бөлімнің 3-тармағы мынадай редакцияда жазылсын:

"3. Қазақстан Республикасы Көлік министрлігі";

IV-бөлім мынадай редакцияда жазылсын:

"TV. Қырғыз Республикасынан

1. Қырғыз Республикасының Денсаулық сақтау министрлігі.
2. Қырғыз Республикасының Су ресурстары, ауыл шаруашылығы және қайта өңдеу өнеркәсібі министрлігі.
3. Қырғыз Республикасының Көлік және коммуникация министрлігі.
4. Қырғыз Республикасының Экономика және Коммерция министрлігі.
5. Қырғыз Республикасының Қаржы Министрлігі жанындағы Мемлекеттік кеден қызметі.
6. Қырғыз Республикасы Мемлекеттік ұлттық қауіпсіздік комитетінің Шекара қызметі.
7. Қырғыз Республикасының Су ресурстары, ауыл шаруашылығы және қайта өңдеу өнеркәсібі министрлігі жанындағы Ветеринариялық қызмет."

2. Осы шешім ресми жарияланған күнінен бастап күнтізбелік 30 күн өткен соң күшіне енеді.

*Еуразиялық экономикалық комиссия
алқасының төрағасы*

М. Мясникович